

Dj. broj. 01-1-1171/25

Datum: 29.04.2025.godine

Na osnovu člana 108. stav (2) tačka a), a u vezi sa članom 109. stav (4) Zakona o odgoju i obrazovanju u osnovnoj i srednjoj školi u Kantonu Sarajevo („Službene novine Kantona Sarajevo“ broj: 27/24), člana 7. Pravilnika o izboru, kriterijima za izbor, nadležnostima i radu direktora srednjih škola („Službene novine Kantona Sarajevo“ broj: 46/18) i Odluke Školskog odbora JU Srednje škole poljoprivrede, prehrane, veterine i uslužnih djelatnosti Sarajevo broj: 01-1-1170/25 od 29.04.2025. godine, Školski odbor JU Srednje škole poljoprivrede, prehrane, veterine i uslužnih djelatnosti Sarajevo raspisuje

JAVNI KONKURS

za izbor direktora/direktorice JU Srednje škole poljoprivrede, prehrane, veterine i uslužnih djelatnosti Sarajevo

Javni konkurs za izbor direktora JU Srednje škole poljoprivrede, prehrane, veterine i uslužnih djelatnosti Sarajevo Sarajevo raspisuje se na mandatni period od četiri (4) godine od dana imenovanja.

I UVJETI ZA IZBOR

Kandidat za direktora dužan je ispunjavati sljedeće uvjete:

1.1.Opći uvjeti:

- a) da nije otpušten iz državne službe kao rezultat disciplinske mjere na bilo kojem nivou u Bosni i Hercegovini (bilo na nivou države, entiteta ili kantona) u periodu od tri godine od dana prijavljivanja na javni konkurs;
- b) da se na kandidata ne odnosi odredba člana IX 1. Ustava Bosne i Hercegovine;
- c) da nije osuđivan za krivično djelo i za privredni prestup nespojiv sa obavljanjem dužnosti direktora škole;
- d) da nema privatni finansijski interes u JU Srednjoj školi poljoprivrede, prehrane, veterine i uslužnih djelatnosti Sarajevo.

1.2.Posebni uvjeti:

- a) da u pogledu stručne spreme ispunjava uvjete za radna mjesta u školi u kojoj konkuriše, a kako slijedi: nastavnik, pedagog, pedagog-psiholog, psiholog,
- b) da ima najmanje osam godina radnog staža a od toga ukupno najmanje pet godina radnog staža na poslovima radnih mjesta iz tačke a) Posebni uvjeti ili na rukovodnim poslovima u školi (poslovi direktora ili pomoćnika direktora/voditelja dijela nastavnog procesa),
- c) da ima najmanje visoku stručnu spremu ili najmanje završen I ciklus bolonjskog visokoobrazovnog procesa sa 240 ECTS bodova,
- d) da ima najmanje stečeno stručno zvanje mentor.

Za direktora škole ne može ponovo biti izabrano lice koje je u istoj školi birano četiri puta na poziciju direktora ili pomoćnika direktora/voditelja dijela nastavnog procesa.

Za direktora ne može biti imenovano:

- a) lice koje ima smetnje za imenovanje i obavljanje funkcije u skladu sa Zakonom o sukobu interesa u organima vlasti u Federaciji Bosne i Hercegovine ("Službene novine Federacije BiH" broj 70/08) i Zakonom o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH" br. 12/03, 34/03 i 65/13) kao ni lice koje ima smetnje za imenovanje i obavljanje funkcije u skladu sa Zakonom o prevenciji i suzbijanju korupcije u Kantonu Sarajevo ("Službene novine Kantona Sarajevo", br. 35/22, 44/22-Ispravka i 52/22-Ispravka).
- b) lice za koje se odgovarajućom medicinskom procedurom utvrdi da je alkoholičar, odnosno ovisnik o narkoticima;
- c) lice za koje se odgovarajućom medicinskom procedurom utvrdi da boluje od zarazne ili duševne bolesti;
- d) lice protiv kojeg je potvrđena optužnica ili izrečena pravosnažna presuda ili mjera za jedno ili više krivičnih djela za koja se odredbama važećeg Krivičnog zakona Federacije Bosne i Hercegovine može izreći kazna zatvora u trajanju od tri ili više mjeseci.

Uz prijavu na konkurs, kandidati su dužni dostaviti original ili ovjerene kopije slijedeće dokumentacije:

- 1) Svojeručno potpisanu prijavu na konkurs, sa kontakt podacima (adresa stanovanja, broj telefona, e-mail adresa) i tačno navedenom dokumentacijom koja se prilaže uz prijavu na javni konkurs;
- 2) Biografiju (CV);
- 3) Izvod iz matične knjige rođenih;
- 4) Uvjerenje o državljanstvu (ne starije od 6 mjeseci);
- 5) Diplomu o stečenoj stručnoj spremi;
- 6) Uvjerenje o položenom stručnom ispitu;
- 7) Rješenje o sticanju stručnog zvanja (najmanje zvanje mentor);
- 8) Dokaz o radnom stažu (najmanje osam (8) godina radnog staža i od toga najmanje pet (5) godina na poslovima radnih mjesta: nastavnik, pedagog, pedagog-psiholog, psiholog ili na rukovodnim poslovima u školi (poslovi direktora ili pomoćnika direktora/voditelja dijela nastavnog procesa)
- 9) Izjavu ovjerenu od strane nadležnog organa kojom kandidat potvrđuje da nije otpušten iz državne službe kao rezultat disciplinske mjere na bilo kojem nivou u Bosni i Hercegovini (bilo na nivou države, entiteta ili kantona) u periodu od tri godine od dana prijavljivanja na Javni konkurs;
- 10) Izjavu kandidata da nije obuhvaćen odredbama člana IX 1. Ustava Bosne i Hercegovine, ovjerenu od strane nadležnog organa;
- 11) Izjavu ovjerenu od strane nadležnog organa kojom kandidat potvrđuje da nema privatni finansijski interes u JU Srednjoj školi poljoprivrede, prehrane, veterine i uslužnih djelatnosti Sarajevo;
- 12) Izjavu ovjerenu od strane nadležnog organa kojom kandidat potvrđuje da nije lice koje ima smetnje za imenovanje i obavljanje funkcije u skladu sa Zakonom o sukobu interesa u organima vlasti u Federaciji Bosne i Hercegovine ("Službene novine Federacije BiH" br. 70/08) i Zakonom o ministarskim, vladinim i drugim imenovanjima Federacije Bosne i Hercegovine

("Službene novine Federacije BiH", br. 12/03, 34/03 i 65/13), kao ni lice koje ima smetnje za imenovanje i obavljanje funkcije u skladu sa Zakonom o prevenciji i suzbijanju korupcije u Kantonu Sarajevo ("Službene novine Kantona Sarajevo", br. 35/22, 44/22- Ispravka i 52/22- Ispravka);

- 13) Izjavu ovjerenu od strane nadležnog organa kojom kandidat potvrđuje da nije alkoholičar, odnosno ovisnik o narkoticima;
- 14) Izjavu ovjerenu od strane nadležnog organa kojom kandidat potvrđuje da ne boluje od zarazne ili duševne bolesti;
- 15) Izjavu ovjerenu od strane nadležnog organa kojom kandidat potvrđuje da nije lice protiv kojeg je potvrđena optužnica ili izrečena pravosnažna presuda ili mjera za jedno ili više krivičnih djela za koja se odredbama važećeg Krivičnog zakona Federacije Bosne i Hercegovine može izreći kazna zatvora u trajanju od tri ili više mjeseci;
- 16) Pisani razvojni plan i program JU Srednje škole poljoprivrede, prehrane, veterine i uslužnih djelatnosti Sarajevo za mandatni period;

III DOSTAVA PRIJAVE I DOKAZA O ISPUNJENOSTI UVJETA

Prijavu sa dokazima kandidati dostavljaju putem pošte prepuručeno na adresu: JU Srednje škole poljoprivrede, prehrane, veterine i uslužnih djelatnosti Sarajevo, ulica Hamdije Kreševljakovića br.55, 71000 Sarajevo, ili lično na protokol škole sa naznakom „Prijava na javni konkurs za izbor direktora – NE OTVARAJ (Otvara Školski odbor)“.

IV NAČIN I ROK OBAVJEŠTAVANJA

O rezultatima konkursa kandidati će biti obaviješteni nakon provedenog postupka imenovanja, pisano, putem pošte, na adresu navedenu u prijavi, u roku od 8 (osam) dana od dana donošenja odluke.

V KONKURSNI ROK

Konkurs ostaje otvoren petnaest (15) dana od dana objavljivanja u dnevnim novinama. Javni konkurs će biti objavljen u dnevnom listu "Oslobođenje" dana 30.04.2025. godine i na web stranici Ministarstva za odgoj i obrazovanje Kantona Sarajevo i ostaje otvoren zaključno sa danom 15.05.2025. godine.

VI VRIJEME NA KOJE SE VRŠI IMENOVANJE DIREKTORA ŠKOLE

Imenovanje se vrši na mandatni period od četiri (4) godine od dana imenovanja.

NAPOMENA:

Nepotpune, neblagovremene i neuredne prijave neće se uzimati u razmatranje.

Kriteriji, procedure, način imenovanja direktora po ovom Javnom konkursu utvrđeni su odredbama Pravilnika o izboru, kriterijima za izbor, nadležnostima i radu direktora srednjih škola („Službene novine Kantona Sarajevo“ broj: 46/18).

Direktora imenuje Školski odbor uz saglasnost Vlade Kantona Sarajevo, na period od 4 (četiri) godine sa mogućnošću ponovnog izbora, uz ograničenje od najviše dva uzastopna mandata u istoj školi.

Kandidat koji bude izabran, dužan je prije imenovanja na funkciju direktora dostaviti ljekarsko uvjerenje izdato od nadležne zdravstvene ustanove, a koje nije starije od šest (6 mjeseci), uvjerenje da protiv kandidata nije potvrđena optužnica ili izrečena pravosnažna presuda ili mjera za jedno ili više krivičnih djela za koje se odredbama važećeg Krivičnog zakona u Federaciji Bosne i Hercegovine može izreći kazna zatvora u trajanju od 3 mjeseca i više (ne starije od 3 mjeseca) i uvjerenje da nije osuđivan za krivično djelo i za privredni prestup nespojiv sa obavljanjem dužnosti direktora Škole.

Terminološko korištenje muškog ili ženskog roda u ovom konkursu podrazumijeva uključivanje oba roda.

Predsjednik Školskog odbora

prof. dr. Sahrudin Sarajčić